



Izvršen pretres u Banjoj Luci, Prijedoru i Laktašima

Ispituje se francuska veza s trgovinom oružjem

Ispitano više osoba radi prikupljanja dokaza u vezi s prošlogodišnjim hapšenjem organizirane grupe Nenada Radinkovića • Pretres izvršen na molbu Francuske

Na zahtjev Državnog tužilaštva Francuske, pripadnici SIPA-e su u ponedjeljak pretresli više objekata u Banjoj Luci, Prijedoru i Laktašima da bi prikupili dokaze radi dokumentiranja krivičnog djela organizirani kriminal u vezi s krivičnim djelom neovlašteni promet oružjem i vojnom opremom te proizvodima dvojne upotrebe, koje je na teritoriju BiH i Francuske počinila organizirana kriminalna grupa.

Izdat nalog

“Dnevnom avazu” je nezvanično potvrđeno da je riječ o slučaju iz prošle godine, kada su u Francuskoj uhapšeni Nenad Radinković, Vladimir Pepić, Zoran Jovanović i Danka Marinković iz Banje Luke te Mirko Bakić iz Prijedora.

Grupa je uhapšena početkom aprila s većom količinom oružja, uglavnom automatskih pušaka, koje su, kako se pretpostavljalo, bile namijenjene kriminalnim grupama u ovoj zemlji.

- Mi smo postupili prema zamolnici francuskog tužilaštva i izdali smo nalog za pretrese. I dalje ćemo uško sarađivati s kolegama na ovom slučaju - rekao je za



Francuski policajci izveli akciju u aprilu prošle godine



RADINKOVIĆ: U BiH mu suđeno zbog nesreće

“Avaz” Boris Grubešić, portparol Tužilaštva BiH.

Portparol SIPA-e Kristina Jozić kazala je da se radi o prikupljanju dokaznog materijala i da će u okviru jučerašnje akcije biti ispitano više osoba.

Usmrtio mladića

- Ove osobe će biti ispitane u svojstvu svjedoka krivičnog djela - rekla je Jozić, napominjući da će se nakon toga, shodno odluci nadležnog tužioca Tužilaštva BiH, odlučiti o njihovom daljnjem statusu.

Nenad Radinković je u

Oružje zaostalo iz rata

Francuska policija je više mjeseci vodila istragu o oružju koje je iz zemalja Balkana krijumčareno u ovu zemlju.

Navodno se radi o oružju zaostalom iz rata koje je otkupljivano u BiH i zatim krijumčareno u Francusku.

javnosti poznat po presudi za izazivanje saobraćajne nesreće krajem avgusta 2011. godine, u kojoj je smrtno stradao Nikola Đurović. Roditelji nastradalog Đurovića nikada nisu teretili Radinkovića za smrt njihovog sina jer je, kako su bezbroj puta rekli medijima, za upravljačem Audiya bio neki od visokih funkcionera MUP-a RS ili sin nekog funkcionera.

Navodno je Radinković nakon nesreće pobjegao u Francusku, gdje ima rodbi-

nu, te je tamo uhapšen zbog šverca oružja. Vrhovni sud RS je prošle godine potvrdio presudu Okružnog suda u Banjoj Luci kojom je Radinković osuđen na četiri godine zatvora zbog smrti Nikole Đurovića.

Vladimir Pepić je, također, poznat policiji po pucnjavi koja se dogodila u maju 2008. godine u velnes centru „Fortuna“ u Banjoj Luci kada je jedna osoba ranjena.

M. DRAGOJLOVIĆ